



VISCHNAUNCA DA SCHLUEIN

## **Reglament da parcar**

**Approbaus entras la radunonza communal dils 10 da december 2014**

**Entrada en vigor: 01-07-2015**

## **Cuntegn reglament da parcar**

			Pagina
art.	1	Noziuns	3
	2	Concept da parcar	3
	3	Taxas da parcar	4
	4	Parcadis affittai sin terren public	4
	5	Diever dallas taxas	4
	6	Entrada en vigur	5

## REGLAMENT DA PARCAR

Sebasond sin art. 3 dalla constituziun dalla vischnaunca da Schluein e sin art. 39, alinea 2 dalla lescha da baghegiar communal, relai la vischnaunca il suandont reglament:

### art. 1

Noziuns

<sup>1</sup> Sco parcadis publics sin terren public valan ils loghens da deposit per vehichels a motor signalisai resp. marcai ed accessibels al public sin vias e plazzas publicas, sin immobilias communalas e sin areals cun dretg d'utilisaziun communal.

<sup>2</sup> Sco parcadis affittai sin terren public valan ils parcadis mess a disposiziun encunter pagament als proprietaris dil terren legitimai sco recumpensa per ils parcadis privats munconts.

### art. 2

Concept da parcar

<sup>1</sup> La suprastonza communal elavura in concept da parcar sco basa per las mesiras che ston vegnir relaschadas. En cass da basegn adattescha ella il concept da parcar allas novas cundiziuns.

<sup>2</sup> Restricziuns dil liug e dil temps regleschan co ei astga vegnir parcau en general sin terren public.

<sup>3</sup> Igl ei scumandau da parcar sin terren public ordeifer ils parcadis signalisai resp. marcai.

<sup>4</sup> La suprastonza communal definescha differentas categorias da parcadis sin terren public.

<sup>5</sup> En cass da circumstanzas specialas sa la suprastonza communal abolir ad interim las restricziuns dil liug e dil temps da parcar resp. relaschar ulteriuras restricziuns da parcar.

<sup>6</sup> Sche transcargadas da marcanzia, survetschs da servis, lavurs da baghegiar, e.a.v. ein pusseivels mo naven da parcadis cun ina restricziun dil temps ni mo naven d'ordeifer ils parcadis marcai, sa l'administraziun communal conceder ina lubientscha da surpassar il temps da parcar maximal resp. ina lubientscha da parcar ordeifer ils parcadis marcai.

<sup>7</sup> Persunas cun ina lubientscha da parcar ordeifer ils parcadis marcai ston far adatg da buc impedir auters utilisaders dalla via e da terminar la lavur da cargada senza retard.

### art. 3

Taxas da  
parcar

<sup>1</sup> Da principi ston ins pagar taxas per parcar sin terren public. La suprastonza communal sa fixar excepziuns dil liug e dil temps.

<sup>2</sup> La suprastonza communal fixescha il temps ch'il parcar ei suttamess a taxas sco era las taxas da parcar.

<sup>3</sup> Cun ina lubientscha dil meins ni cun ina lubientscha annuala suttamessa ad ina taxa sa vegnir lubiu a habitonts senza parcadi sin terren privat ed ad autras persunas legitimadas da parcar permanentamein sin parcadis publics signalisai. Ad els stat buc a disposiziun in parcadi fix. Els ein libers da parcar, aschinavon ch'ei ha plaz sin il parcadi. Ei exista da principi negin dretg da survegnir ina lubientscha. La suprastonza communal fixescha las taxas da parcar permanentamein el suandont rom: cartas dil meins per frs. 20.00 tochen frs. 50.00; cartas annualas per frs. 200.00 tochen frs. 500.00.

### art. 4

Parcadis affittai  
sin terren public

<sup>1</sup> La suprastonza communal sa affittar permanentamein parcadis sin terren public a proprietaris da terren che han buca la pusseivladad d'endrizzar ils parcadis obligatoris tenor la lescha da baghegiar sin lur terren. La suprastonza comunala fixescha il tscheins per in meins el rom da frs. 40.00 tochen frs. 60.00 ed il tscheins annual el rom da frs. 400.00 tochen frs. 600.00.

<sup>2</sup> Sin quels parcadis astgan mo vehichels a motor cun ina peisa totala da maximalmein 3'500 kg (vehichels a motor levs) e vehichels levs, vehichels pigns e vehichels a motor cun treis rodas el senn dall'Ordinaziun davart las pretensiuns tecnicas a vehichels stradals (OPTV, DS 741.41) vegnir parcai. Sin igl entir territori da vischnaunca astgan sulettamein vehichels immatriculai e cun numera che corrispundan allas pretensiuns tecnicas a vehichels stradals vegnir parcai.

### art. 5

Diever dallas  
taxas

<sup>1</sup> Las entradas dallas taxas da parcar vegnan en emprema lingia duvradas per la funcziun ed il manteniment dils parcadis e per indemnisar las expensas per las controllas e la persecuziun dils vehichels parcai falliu.

<sup>2</sup> Il surpli dallas taxas da parcar vegn duvraus per extender la purschida da parcadis publics sin terren public e per meglierar l'infrastructura per il traffic public e per il traffic plaun.

**art. 6**

Entrada en vigur      Il reglament present ha la radunonza communal approbau ils  
10 da december 2014. El entra en vigur igl 1. da fenadur 2015.

Il president communal:

Il canzlist communal:

Bruno Wellinger

Augustin Beeli